



UNIVERSITÄTS-
BIBLIOTHEK
PADERBORN

**R.P. Leonardii Lessii E Societate Iesv Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censbris.
Prælectiones Theologicæ Posthvmæ**

Lessius, Leonardus

Lovanii, 1645

Cap. 2. Quid sint Indulgentiæ.

[urn:nbn:de:hbz:466:1-72898](#)

Archidiaconus, Panormitanus, Innocentius, Aluarius, Cardinalis Sabarella, & Bernardus Glossator Decretalium; quos citant Angelus & Rosella.

Sed contrarium est verius, quod tenet communiter reliqui Doctores, & Iura ab alijs citata non probant illud; vt recte Nauarrus docet.

DVBIVM IV.

Vtrum is, qui iure potestate non habet Indulgencias conferendi, possit hanc consuetudine obtinere?

16 R Espondeo: Si Pontifex omnino ignoret illam consuetudinem, aut cognitam improbety nulla per eam acquiritur potestas in Indulgencias. Nam potestas remittendi poenias in iudicio Dei debitis, non nisi vera auctoritate à Christo descendete, haberi potest. Si autem consuetudo illa Pontifici sit perspecta, & si tolerata, ut approbat tacite videatur, tunc per eam verum ius acquiritur. Nam sicut ipse potest hoc ius conseruare expressa voluntate, ita etiam tacita approbatione. Ita docet Antonius Corduba quæst. 10.

CAPVT II.

Quid sint Indulgencia.

DVBIVM I.

Vtrum concessio Indulgenciarum formaliter sit absoluio à peccatis debitibus; an solutio pro ijsdem ex thesauro Ecclesie?

17 Sunt tres sententiae. Prima est Francisci Maronii, *Esse meram absolutionem à peccatis peccatorum ex potestate Clavium, sine interuenientia solutionis; quia putat non extare thesaurum unde fiat solutio.*

Secunda sententia est in altero extremo, scilicet, *Esse collummodo solutionem pro debito penarum.* Ita Durand. in 4. dist. 20. q. 3. & 5. Palud. cædum dist. q. 4. D. Antonius 1. p. tit. 10. c. 3. Silvester Verbo *Indulgencia,* num. 3. & fuit D. Thomas hic qu. 25. art. 1. ad 2.

Tertia sententia est media. Pro qua

Dico Primo: Indulgencia, quæ datur viuis, est absoluio à peccata debita, interuenientia tamen applicatione satisfactionum ex thesauro ad iustum peccatum illius compensationem. Ita tenet Abulensis q. 90. in c. 16. Matthæi, Caiet. Tract. 15. c. 5. & 6. in tomo 1. Opusculorum. Dom. Soto d. 21. q. 2. a. 3. Petrus Soto lect. 2. de Indulgencij. Richardus à Media-villâ dist. 20. circa tertium principale, quæst. 1. & 3. Eadem insinuat D. Thomas in 4. dist. 20. art. 3. quæstioncula 1.

Prima Pars Probatur Primo: Quia concessio Indulgenciarum est actus potestatis Clavium; ut patet ex dictis dub. 1. c. 1. Atqui concessio Indulgenciarum non pertinet ad potestatem Ordinis, ut omnes fatentur; nam Episcopus ante consecrationem Indulgencias conferre potest: ergo ad potestatem iurisdictionis: ergo Ecclesia in concessione Indulgenciarum vtitur iurisdictione, & iuridice absoluio à peccatis peccatorum. Confirmatur ex nomine: quia non ille qui soluit pro altero, dicitur indulgere ei penam, sed qui ex auctoritate eam remittit.

Probatur Secundum: Ex Capit. Quod autem de Penitentiis & remiss. vbi Alexander III. aperte

respondeat: Episcopos non posse conferre Indulgencias, nisi suis subditis, casque alijs non prodebet: Quia, inquit, nemo nisi à suo iudice ligari, vel absolu potest: aperte ergo sentit concessionem Indulgenciarum esse iuridicam absolutionem.

Probatur Tertio: Indulgencij passim in iure & literis Pontificum, quibus conceduntur, vocantur peccatorum absolutiones, relaxations, remissions, cōdonationes. Vide Cap. Quod ex eo. Et Cap. Nostro, de Premit. & remission. Et Extrauagantem Bonifacij VIII. quæ incipit, Antiquorum, cod. tit. inter Extrauagantes. Et Bullâ Martini V. in fine Concilij Constantiensis. Et epistolâ Gregorij VII. ad Clerum & populum Belluacensem.

Probatur Quartio: Quia aliqui priuatus posset cōcedere Indulgencias; potest enim per suas satisfactions pro alterius debito soluere. Similiter Sacerdos in sacrificio Missa diceretur concedere Indulgencias; applicat enim Christi satisfactions ad remissionem peccatum temporalis. Quæ tamen absurdè dicentur. Constat ergo Indulgencias viuorum esse veram absolutionem.

Secunda Pars, Quod etiam interueniat dispensatio thesauri, certissima est, quidquid dixerit M. chaël Medina. Primo: Quia id aperte assertur in Extrauagante, Vnguentu. Secundo: Quia in Bullâ Leonis X. cōtra Lutherum, damnatur iste articulus: *Thesauru, unde Papa dat Indulgencias, non est Christi & Sanctorum: qui tamē articulus verissimus esset, si nulla interueniret thesauri dispensatio.*

Tertio: Remittere penitentia fine vllâ cōpenitiatione, est eius, qui habet supremam & independentem potestatem, qualis est in Deo; atqui Papa non habet potestatem, nisi Vicarii Christi; ac proinde non potest remittere, nisi pro ut statuit Christus, qui pro omni culpâ & pena satisfecit. Quartio: In Sacramento penitentie peccator non absolvitur à culpa vel à pena, nisi intercedente applicatione pretij Sanguinis Christi. Alio quoq; Sacramenta non liberant à culpâ vel pena, nisi ciuidate pretij interuenient, iuxta illud 1. Ioā. 1. *Sanguis Iesu Christi Filii Dei emundat nos ab omni peccato:* ergo multò minus extra Sacramentum poterit quis absolvitur à pena, nisi eodem pretio mediante.

Notandum tamen, Quando Pontifex à pena absolvit, non requiri aliquem actum, quo significet se applicare satisfactiones Christi & Sanctorum, aut soluere Deo per easdem. Nā hoc ipso, quo absolvit virtute Clavium, implicitè censetur hanc applicationem & solutionem facere; sicut quando Sacerdos in Sacramento Penitentiae absolvit, non debet exp̄sē intendere applicare pretiū Sanguinis Christi ad peccatorum expiationē, aut ad soluendum Deo pro debito peccatori: nam satis hoc intendere censetur, dum intendit conferre Sacramentum. Si tamen exp̄sē vellet non applicare has satisfactiones, & sola virtute Clavium absolvire, nihil efficeret; quia talis potestas non est in Ecclesiâ.

Dico Secundum: Indulgencia, quæ darur mortuis, non est absoluio facta per Ecclesiam, sed solutione & oblatione pretij, ut à Deo absoluantur. Sed de hoc infra.

Objeccit Primo: Pontifex potest consequi Indulgencias, quas ipse alijs concedit; atqui non potest seipsum absoluere, quia nemo in seipsum iurisdictionem exercere, aut alterius in se eam tribuere potest, quidquid alij dixerint: ergo Indulgencia quæ datur viuis non est absoluio.

Quid Indulgencia mortuorum
1. Objeccio
quod Papa
lacrando
Indulgencias, ipsas
ablaecet.

Cccc

Omissis

Cap. 2. 3. De Indulgentijs. Dub. 1. 2. D. 1.

Solutur.

302 Omissis varijs responsionibus dicendum est; vt Pontifex consequtatur Indulgentiam, satis esse, vt per modum solutionis & compensationis eam accipiat. Quāuis enim non posse seipsum absoluere, potest tamen, tanquam distributor thesauri Ecclesiæ, ex Christi & Sanctorum meritis accipere pro se compensationem, quā Deo soluat. Ita Nauarrus notab. 20. num. 9. 10. II.

3. Obie.
ctio, quod
actus iuris-
dictionis
non possit
operari in
inuitum.

Obijicitur Secundū: Iurisdictione potest exerceri in inuitum; potest enim quis etiam inuitus absoluti ab excommunicatione, alijisque censuris: atqui Indulgentijs non possunt conferri inuitis: ergo earum concessio non est actus iurisdictionis. Confirmatur; quia iurisdictione non potest exerceri sine cause cognitione: vnde etiā in Sacramento Pœnitentiae requiri ritur cause cognitionis. At Indulgentiæ conserunt sine causa cognitione. Ergo.

Solutur.

Respondeo: Nō omnis actus iurisdictionis potest in invitato exerceri, vt patet in Sacramento Pœnitentiae; sed illud solum locū habet, quando ille actus non requirit necessarij aliquam dispositionem in suscipiente; vt sit in absolutione ab excommunicatione. Ad confirmationem: quando sententia nō fertur super aliquo facto particulari, sicut in Sacramento Pœnitentiae, sed in genere & quasi sub conditione, non requiritur causa cognitionis: vt dum quis si excommunicatur, si quis Clericum percussit, si excommunicatus: tales sunt omnes censurae Iuris. Indulgentiæ autem conceduntur in genere, & sub conditione; nempe, si tale opus prestatur; vnde non requirunt causæ cognitionem, nisi generatim; videlicet ut generatim causæ dignitas expendatur, propter quam conceduntur.

3. Obie.
ctio, quod
pœna Pur-
gatorij nō
substantia
iuris-
dictioni
Ecclesiæ.

Obijicitur Tertiū: Pœna Purgatorij non substantia iurisdictioni Ecclesiæ: atqui per Indulgentias liberamur à pœnâ Purgatorij: ergo earum cōcessio non est iuridica absolutio, sed tantum cōpensatio. Confirmatur: quia compensatio sufficiens est ad obtinendam remissionem pœnae: ergo superuacanea est absolutio.

Vera so-
lutione.

Respondent quidam, Indulgentiam quatenus tollit pœnam iniunctam, esse absolutivem iuridicam; sed respectu pœnae qua in Purgatorio luēda sit, esse solum solutionem. Verum hæc responso non valet: nā Pontifex viuos etiā à pœnâ Purgatorij potest absoluere; vt colligitor ex Synodo Complutensi sub Sixto IV. vbi damnatur hæc propositio Petri Oxomensis, *Papa non potest alicui viuo indulgere penam Purgatorij*, id est, à pœna Purgatorij absolve: indulgere enim propriè ad iurisdictionem pertinet. Vnde

Respondeo: Debütum pœnae Purgatorij, quādiu homines vivunt, ad iurisdictionem Ecclesiæ pertinet, & ab eo potest Ecclesia directè viuos absoluere. Neque hoc mirum est, cūm etiā à debito pœnae æternæ directè per sententiam iuridicā absoluat viuos; vt patet in Sacramento Pœnitentiae: habet enim *Clavis regni celorum*, id est, potestatem remouendi omnia impedimenta vitaæ æternæ, vt Doctores interpretatur. In defunctos verò, iuxta veriorem sententiam, iurisdictione non habet. Ad confirmationem: Cōpensatio non sufficit ad pœnae relaxationem, sed præterea opus est vt à iudice acceptetur, & reus propter illam absoluatur. Vnde necesse est, vt vel Deus immediate per seipsum hominem, pro quo exhibetur compensatio, à reatu pœnae absoluat; vt sit in baptismō, & dū alijs pro alio satisfacit; vel certè vt Vicarius ipsius quod-

ritate diuinâ id faciat; vt sit in Sacramento Pœnitentiae, in quo non solum est compensatio, sed etiam efficax absolutio.

DVBIVM III.

Vtrum Pontifex posset viuis dare Indulgentias per solum solutionem ex thesauro Ecclesiæ, sine iuridica absoluzione?

R Espondeo: Posse, tum quia hoc modo conceduntur Indulgentias defunctis: tum quia Pontifex id Ecclesia habet plenam potestatem circa dispensationem sine absolutione; sicut quando priuatus pro altero offert suas satisfactioes, quæ tamen alteri non valent, nisi ex congruo: satisfactioes autem Christi, quas Pontifex potest applicare, valent alteri ex condigno.

Nota tamen: Hunc modum concedendi viuis Indulgentias nō esse visitatiū: nam alter est, qui fit per absolutionē, est efficacior & certior. *Absolutio efficacior*, & enim efficaciter remittit reatum pœnae. *Applicatio incertior*, thesauri solum offert Deo pretiū, vt ipse dignetur remittere: vnde solum valet per modum imprecatiois, sicuti cūm quis offert pretium pro captivo,

CAPVT III.

De effectu Indulgentiarum.

DVBIVM I.

*Vtrum Indulgentias solum valeant ad remissio-
nenem penitentiæ iniunctæ, an etiā ad remissio-
ne eius qua erat iniungenda: & consequen-
ter an valeant ad remissionem pœnae Purga-
torij, qua pœna iniungenda respondet?*

S Vppono Primū: Indulgentias non valeant ad remissionem culpe mortiferæ, vel pœnae atermi-
næ; hoc enim tantum fit per Sacramenta. Vnde tia non va-
lent, quod in quibusdam concessionibus Indulgentiarū legitur, per illam Indulgentiam dari remissionem culpe
& pœnae, intelligentum est de adiuncto simul Pœnitentiae Sacramento, quod semper coniungi, imo
præcedere debet, saltem in voto, priusq; Indul-
gentiam consequtari. Verius quoque est, eas non
valere ad deletionem culpe venialis, quia hæc re-
quirit interiorē renovationem; vt alibi dictū est.

Suppono Secundū: Indulgentias valere ad re-
missionem pœnae temporalis, quæ remissâ culpe
mortiferæ, vel veniali, luenda supereft: non autem
ad remissionem pœnarū sive ciuilium, sive ecclesi-
asticarū, quæ ad forum contentiosum spectant:
quia alioquin disciplinam politicam & ecclesiasticam dissoluerent.

His positis: Caietanus opusc. 15. cap. 7. tom. 1. putat Pontificem quidem habere potestatem per Indulgentias relaxandi pœnas, etiam non iniunctas; tamen de facto omnes Indulgentias, quas cōcedit, esse tantum de pœnâ in foro pœnitentiae iniunctis. Idem tenet Petrus Soto lect. 2. de Indulgentijs; & quidam antiqui Doctores Scholastici, Albertus & Altisiodorensis.

Respondeo & Dico Primū: Quādo in formulâ exprimitur Indulgentias dari de penitentijs iniunctis, probabilius est eam solum extendi ac pœnitentijs de Pan-
actu à Confessario iniunctas. Est ferè communis. *Tenetiss.*
Vide Nauarrum relect. de Indulgentijs, notab. 11. iniunctis.
nu. 12. & Antonium Corduba qu. 7. propos. 3.

Probatur Primū: Quia concessio Indulgentiarum strictè est interpretāda, etiū enim materia videatur fauorabilis.